

史料旬刊

第七期

史料旬刊

三三三


中華民國十九年八月一日出版

史料旬刊第七期

編輯所 故宮博物院文獻館

發行所 神武門外發售室

印刷所 京華印書局



價目表		郵費	
每旬一冊	四角	外埠	每期一角
預定半年十八冊	六元五角	外國	每期二角
預定全年三十六冊	十二元	本院發寄刊物均交郵局掛號遞送以免遺失	

本市	商務印書館	中華書局
上海	文明書局	世界書局及
天津	其他各大書店均有代售	

史料旬刊第七期目錄

嘉慶二年乾清宮失火案

(一) 上諭

(二) 內務府摺

(三) 上諭二

(四) 軍機處劄

(五) 軍機處札

(六) 上諭三

割辦案 乾隆三十三年

(一) 廷寄十九

(二) 彰寶摺

(三) 彰寶摺二

(四) 廷寄二十

(五) 廷寄二十一

(六)方觀承摺三

(七)廷寄二十二

(八)廷寄二十三

(九)廷寄二十四

(十)廷寄二十五

(十一)彰寶摺三

(十二)廷寄二十六

(十三)廷寄二十七

(十四)阿思哈摺

(十五)傅恒等摺

(十六)傅恒等摺二

(十七)廷寄二十八

(十八)廷寄二十九

(十九)廷寄三十

嘉慶誅和坤案

(一) 上諭十

(二) 軍機處奏二

(三) 上諭十一

(四) 上諭十二

(五) 上諭十三

(六) 上諭十四

(七) 上諭十五

(八) 胡季堂摺

(九) 上諭十六

(十) 上諭十七

(十一) 慶桂等摺

(十二) 綿恩等摺

(十三) 上諭十八

(十四) 永瑄等摺

雍正朝外交案

(一) 孔毓珣摺

(二) 孔毓珣摺二

(三) 孔毓珣摺三

(四) 孔毓珣摺四

(五) 孔毓珣摺五

湖北荆門孫大有何佩玉等謀爲不軌案

(一) 定長 鄂寶摺

(二) 上諭二

(三) 定長 程燾摺

嘉慶二年乾清宮失火案

上諭

乾隆六十二年十月二十二日內閣奉勅旨朕仰承昊貺臨御六十年來常懷祇畏日愼一日罔敢怠荒自上年舉行授受典禮後仍每日訓政弗懈益虔期與天下臣民共享昇平之福茲於本月二十一日乾清宮交泰殿災朕心悚惕寢食靡寧恭讀聖祖仁皇帝實錄內載康熙十八年十二月初三日太和殿災聖祖諭曰殿廷告災所關只屬臨御之所但得海宇清晏置斯民於衽席之上則今所居較諸前代茅茨土堦尙或過矣大哉訓言垂教至爲深切朕自當凜遵聖訓期四海之乂安即一人之有慶惟是上天示警自有所由因念聖祖仁皇帝八齡御極在位六十一年享壽六十有九朕二十有五踐阼紀元六十年傳位皇帝硃添茲春秋八十有七精神純固康健如常親見五代元孫武功十全諸福備具並未倦勤日親訓政此實仰邀昊貺篤祐之隆逾於皇祖自揣受恩過厚益凜持盈今上天於默祐之中示以儆戒正是天心仁愛啓迪朕躬及嗣

皇帝我父子祇懼之餘尤深欽感且朕仍居養心殿皇帝則居毓慶宮而乾清宮係接見臣工聽政之所相距俱遠祇因承值太監等不戒於火致有此事現在朕雖已傳位爲太上皇帝而一切政務仍親理訓示或_{硃批改}政事有缺皆朕之過非皇帝之過卽太監人等不能加意小心大臣等將伊等按例治罪引以已過尙從寬典而救火出力之官員步軍及太監人等均分別恩賚此卽朕不肯諉過於下深自刻責於衷之意或此一念修省冀蒙上蒼默鑒況二十一日晚間火起時勢甚猛烈坤寧宮前簷已爲薰灼所及幸賴西北風起而大臣等統率官員兵役竭力汲水救護得保無虞足徵神佛垂佑實乃不幸中之幸謹於本日清晨虔誠祀謝以答靈貺目下已將屆仲冬天氣迺寒庀材鳩工不易明年元旦朕仍御太和殿受皇帝率領王公大小臣工慶賀於重華宮前殿受皇子皇孫等慶賀後殿受妃嬪公主福晉等慶賀與往歲舉行無異亦足以備典禮而迓天錫春祉自是之後朕益勵懋修戒滿之念勉思補救庶幾消弭災眚敬迓祥和以期上答天恩欽承祖訓此尤朕所朝夕乾惕不敢稍自暇逸者所有應修工程著該管大臣等於春融集料興工卽行修葺完善諸復舊觀

不必加意用垂億萬年無疆之慶將此通諭知之欽此

內務府摺

總管內務府大臣怡親王臣永琅等謹奏爲嚴審定擬具奏事本月二十一日酉刻乾清宮失火延及交泰殿及宏德昭仁二殿當經臣等帶領官員兵丁趕緊撲滅後隨向該管之總管首領太監等嚴訊如何失火情由據稱向來熏殿火盆內未盡灼炭即行埋滅貯罈貯在爐坑洞內預備次日再用此次係太監郝士通將炭埋悶熄滅貪圖近便放在東穿堂楠木榻旁不料其復行回性薰灼木榻及至首領太監等聞有煙氣開門看視潑水火勢已成撲救無及只求從重治罪等語臣等卽提郝士通與該首領太監等嚴行質訊所供情節尙屬相符似無不實不盡伏查宮禁內圍重地理宜小心看守隨時查點今竟疎於防範以致失火延燒實干重罪自應將失火延燒之太監及失於稽察之總管首領及該處散衆太監等分別治罪查例載凡失火之人延燒宮闕者擬絞監候所有此次失火之太監郝士通應按例擬絞但係宮禁內圍重地情罪較重

應請旨卽行絞決至乾清宮首領太監張士太劉順王進祿三名均請革去首領照延燒宮闕本例擬絞監候秋後處決該處散衆太監李從祥孫天成張寬蕭進朝李進保吳學相王成李福沈進保張進玉樊普劉得勝許進忠于湄舒進喜馮得陳福吳進保林國志李太平王進祿王福林二十二名應請發往吉林烏拉給打捕戶爲奴總管太監蕭得祿等均有管轄巡查之責亦當分別治罪應請將專管之總管太監顧進朝革去總管仍罰錢糧六年蕭得祿張進喜劉芳佟安佟玉明等均請革去頂戴仍留總管亦各罰錢糧四年以示懲創是
否有當伏候訓示遵行謹奏請旨

嘉慶二年十月二十二日

臣永琅

臣和珅

臣福長安

臣豐紳殷德

臣縉布

臣盛住

上諭二

嘉慶二年十月二十二日奉旨內務府大臣將失火延燒之太監及失於稽察之總管首領太監等分別治罪一摺宮禁重地該太監等不能小心看守以致失火延燒獲罪甚重本應照擬嚴辦但乾清宮被災業經明降諭旨朕方引以爲過其應行治罪之太監等自應仰體上天好生之德量予從寬所有原擬絞決之太監郝士通著改爲應絞監候秋後處決原擬絞候之首領太監張士太劉順王進祿著免死發往黑龍江給索倫達呼爾爲奴原擬發遣之散衆太監二十二名均著免其發遣此內李從祥孫天成二名係專管東暖閣之人著重責四十板發往吳甸鋤草三年張寬等二十名俱著重責四十板交總管分撥當差効力至專管之總管太監顧進朝著革去總管仍回瀛臺在太監上當差並罰錢糧六年總管太監蕭得祿張進喜劉芳佟安佟玉明雖均係總管究非專司俱免其革去頂戴仍各罰錢糧四年以示薄懲摺併發欽此

交內務府本日奉旨總管太監佟玉明因救火面受重傷本日議罰錢糧四年著加恩寬免欽此特此傳知貴衙門即將佟玉明罰錢糧四年之處遵旨扣除可也此交十月二十二日

軍機處劄

劄

長蘆鹽政坐糧廳

現在乾清宮交泰殿並宏德昭仁二殿俱已被災奉旨於明年春

融興工所有需用料植應預行購辦天津通州爲商販輳集之區南來木植必多爲此劄仰該

鹽政廳

即照單開楠木栢木桅木尺寸購辦送京如有比照尺寸

更加粗長者固屬甚善即有不足尺寸小些材料可作別項應用者亦不妨一併送京總以多得爲貴不必拘定單開尺寸所有應需價值照例報銷並將各木植約可辦有若干根之處先行稟覆本處以便垂詢時登答現在長蘆鹽政前赴山東卽着運司先行趕辦特劄

右劄

長蘆鹽政董椿坐糧廳雙壽章守勳

准此

十月二十四日

應用楠木柏木等項尺寸

長一丈七八尺至二丈徑二尺四寸

長二丈七八尺至三丈徑二尺八寸

長四丈至四丈四五尺徑三尺五寸

十月二十四日

查得宏德昭仁交泰三殿搶出玉寶陳設之首領太監等雖未能全數搬運但均尙出力昨日所賞各處救火首領太監人等該總管等未將伊等列入今查明開列擬賞清單進呈謹奏

十月二十四日

首領五名每名擬賞小卷五絲緞各一件太監二十一名每名擬賞銀各二兩

軍機處扎

大學士伯和扎獻縣知縣知悉照得乾清宮工程現需購辦木植聞得該縣交界處所有魏公張家庄大廟一座木料似乎合用茲特派內務府郎中德慶帶領匠作人等前往相度爲此扎仰該縣知悉扎到該令立即會同前往查看是

否合式應用之處聽候核辦事關緊要工程毋得刻延此扎十一月初一日

上諭三

嘉慶三年十月初十日內閣奉勅旨本日朕同皇帝進宮閱視乾清宮交泰殿工程規模宏整悉復舊觀朕心深爲嘉悅自上年臘底擇吉安樑今歲春融興工秋仲卽已告成並不費採購之煩辦理安速允宜甄叙示獎除總理工程事務和坤福長安業因軍功從優加恩毋庸議叙外其監修之總管內務府大臣縉布盛住著交部議叙至在工監督各員著和珅福長安分別等第其列爲一等者從優議叙餘著照例議叙所有匠頭等亦着分別賞給緞疋用昭恩獎欽此

遵旨將修建乾清宮等殿座之匠頭及坐更巡查之總管首領太監分別酌量賞賚謹分繕清單恭呈御覽如蒙俞允卽照單由內殿領出頒給謹奏請旨

嘉慶三年十月十一日奉旨知道了欽此

都領侍太監蕭得祿緞二疋

總管太監劉芳閣進喜每人大緞各一疋

首領太監十八名每人小卷緞各一件

太監七十八名每人銀各三兩

遵旨詢問彭元瑞據稱現在昭仁殿陳設書籍內成安家書籍約有十分之三
每本均有謙牧堂圖記其七分皆御花園舊藏之書尙有康熙年間南書房認
片在內查前次宋板書共貯七架今裝十一架既屬較多而宋板內如春秋經
傳集解資治通鑑通鑑紀事本末杜氏通典又如影宋抄算書各種尤爲稀世
之寶實較從前更爲美備至御花園書籍除宋元舊板揀出外所存書籍甚多
等語謹奏十一月十二日

交禮部都察院鑾儀衛鴻臚寺欽奉皇帝諭旨嘉慶四年元旦太上皇帝御乾
清宮朕率領王貝勒等行慶賀禮王公等在月台上行禮文武一二品大臣在

乾清門內丹陛上行禮其世職公侯伯子男以下及三品以下文武官員等俱在乾清門外分兩翼按班行禮至樂部大臣都察院堂官講官等照例侍班其糾儀之都察院堂官科道等即在乾清門階下至三墀下排立等因欽此合行傳知各衙門欽遵預備毋悞

十二月二十八日